

 <p>JU ZAVOD ZA MEDICINU RADA KANTONA SARAJEVO</p>	JU ZAVOD ZA MEDICINU RADA KANTONA SARAJEVO	 
HIGIJENA I EPIDEMIOLOGIJA		Jedinstveni broj procedure: 01-1421-7/25 Izdanje: 02/01
POLITIKE I PROCEDURE Proces rada: mjere i procedure Standard 19. Kriteriji: S 19.10		Važi do: Septembar 2028. godine Strana: 1/3
Procedura za zaštitu osoblja od infekcije -Nošenje zaštitne odjeće-		

1. OPŠTA IZJAVA O POLITICI

Putem pravilne primjene upotrebe rukavica, maski i medicinske odjeće JU Zavod za medicinu rada KS vodi brigu o riziku da davaoci i korisnici usluga ne dobiju infekciju za vrijeme boravka u Zavodu, odnosno da se rizik svede na najmanju moguću mjeru.

2. PODRUČJE PRIMJENE

Ova procedura se sprovodi i primjenjuje u JU Zavod za medicinu rada KS.

3. DISTRIBUCIJA I NADZOR

3.1. Direktor Zavoda, šefovi organizacionih jedinica, glavna sestra Zavoda, odgovorna sestra Zavoda i koordinator za kvalitet, obavezni su obezbijediti da se sa ovom Procedurom upoznaju svi radnici Zavoda.

3.2. Ova Procedura mora biti postavljena na mjestu dostupnom radnicima u Zavodu.

3.3. Direktor, šefovi organizacionih jedinica, glavna i odgovorna sestra Zavoda i koordinator za kvalitet, vrši provjeru pravilnosti primjene ove Procedure.

4. PROCEDURA

4.1. Upotreba rukavica

4.1.1. Zaštitne rukavice služe za zaštitu radnika i pacijenata i treba ih uvijek nositi kad se dolazi u dodir sa krvlju, sekretima i ekskretima, kao i pri rukovanju sa priborom i predmetima koji su bili u dodiru ili su kontaminirani izlučevinama.

4.1.2. Sterilne rukavice moraju se koristiti u svakom slučaju aseptičnog pristupa bolesniku i sterilnom materijalu.

4.1.3. Jednokratne PVC rukavice se moraju obavezno koristiti prilikom dodira sa kontaminiranim materijalom i predmetima.

4.1.4. Rukavice se moraju koristiti prilikom svake intervencije na bolesniku pri čemu dolazi ili može doći do narušavanja integriteta kože ili sluzokože, u previjalištima, pri pregledu svih oralnih lezija, i u svakom drugom slučaju gdje može doći do prenosa uzročnika infekcije.

4.2. PROCEDURA UPOTREBE MASKI

4.2.1. Zaštitne maske se nose iz razloga:

- da bi se zaštitila otvorena rana od mikroorganizama iz usta i nosa osoblja koje je obrađuje,
- da bi se zaštitili zdravstveni profesionalci od mogućeg infektivnog agensa,
- da bi se zaštitilo svo osoblje i korisnici usluga u Zavodu od unakrsnog prijenosa infekcija,

4.2.2. Masku treba nositi:

- u ambulantama medicine rada za vrijeme intervencije na otvorenim ranama i opekotinama i za vrijeme pregleda i njege bolesnika koji boluje od visokokontagioznog oboljenja, kao i kod posebno osjetljivih bolesnika kojima je uništen prirodni odbrambeni sistem,
- u ORL službi,
- u laboratoriji prilikom uzimanja uzoraka,
- u oftalmološkoj službi,
- kao i u svim drugim slučajevima i službama Zavoda ukoliko se ukaže potreba za istom, a sve u cilju sprečavanja obolijevanja i prijenosa infekcija kako za radnike Zavoda tako i za korisnike usluga,
- prema uputama nadležnih institucija zavisno od epidemiološke situacije.

4.2.3. Maska mora da pokriva usta i nos, a mijenja se u zavisnosti od vrste maske koja se koristi.

4.2.4. Ne smije se nositi u džepu ili oko vrata.

4.2.5. Jednom korištena maska se ne smije ponovo koristiti.

4.2.6. Korištena maska se odlaže kao medicinski otpad.

4.2.7. Prije stavljanja maske i nakon njenog skidanja obavezno je pranje ruku.

4.3. PROCEDURA KORIŠTENJA MEDICINSKE ODJEĆE

4.3.1. Medicinska odjeća i obuća kao faktor u kontroli infekcija imaju svoje značenje prije svega u zaštiti profesionalaca.

4.3.2. Medicinsku odjeću i obuću čine mantil, bluza i hlače ili bluza i suknja kao i klompe.

4.3.3. Profesionalci su obavezni da nose medicinsku odjeću i obuću na radnom mjestu.

4.3.4. Zavod će osigurati nabavku zaštitne odjeće i obuće u skladu sa Pravilnikom o zaštiti na radu.

4.4. PROCEDURA KORIŠTENJA ZAŠTITNE OPREME

4.4.1. Pored obavezne medicinske odjeće, dodatna zaštitna oprema (zaštitne maske, naočale, viziri, odijela, keclje, nazuvice i sl.) nose se zavisno od službi koje iziskuju posebne uslove rada, higijensko-epidemiološke situacije, odnosno pojave infekcija većih razmjera.

4.4.2. Sva zaštitna oprema koja je jednom korištena nakon upotrebe odlaže se u skladu sa procedurom zbrinjavanja infektivnog medicinskog otpada.

4.4.3. Zavod će osigurati nabavku zaštitne opreme u skladu sa Pravilnikom o zaštiti na radu.

Za pravilnost provođenja procedure odgovorni su svi radnici iz područja primjene.

